

D'n Duip

1.
Op Sint Pièter woort gebore
Jüpke, kind van moder Mie,
Hiël vâöl noabersj en femiele
Woonden 't plechtig duipfiès bie.
2.
Paat en peter aan de kante
En de wiesvrouw middenin,
Woort 't menneke gedrage
Nao 't kèrkske van Sjin.
3.
Nao 't water op het köpke
Van de kleine duipeling,
Houw nónk Joasep gaer e dröpke
't Kèrkske woort em noe te ing.
4.
Bie de Sieper trok me binne
Veur "ne ferme sjloek cognac,
En dao woorte ziech toen effe
Zeve glaeskes vol gepak.
5.
Op d'n truukwaeg langs de paedsjes
Zóng 't nunkske wie ein sijs,
En de paat, die sjierpde ouch al
Wie ein wiefkes-biejemeis.
6.
't Medémke in de midde
Deeg al krek zoa gek en zeut,
Jüpke koes ze koum miè drage
Door de winter aan de veut.
7.
Bie de beeldsjes ging me raste,
Want ze kreges 't te werm,
Jüpke lag me op 't benkske,
't Miensjke voelt neet miè häör erm.
8.
Nao e tedsje klaajenere,
suúkelde de karavaan,
Zjwoar van kop, met lodderouge,
Same op Sint Pièter aan.
9.
Moder Mie, die keek in sjpanning
Wie 't truupke boeten aom,
Met geziechter, road wie krote,
Vol sjpektakel binne kaom.
10.
"Hè, medam, woa höb geer Jüpke?
Gaeft het druubbelke gauw hie!"
Mè, wie ouch de gaste keke,
't Kinneke waor neet debie.
11.
"Jüpke? Jüpke? Himmel-sakker,
Och nónk Joasep, lopt toch, gank,
Jüpke, dae ies blieve liegke
Bie de beeldsjes, op de bank!"

*Historisch gedicht geschreven
door Karel Dorren*